

BOSANSKO-PODRINJSKI KANTON GORAŽDE

OSNOVNE INFORMACIJE

1. Naziv programa: „ Transferi za podsticaj razvoja, poduzetništva i obrta“

2. Period realizacije Programa:
01.01.2009.- 31.12.2009.godine

3. Područje: Bosansko-podrinjski kanton Goražde

4. Oblast: Poduzetnici, obrtnici sa područja
Bosansko-podrinjskog kantona Goražde

5. Ukupna vrijednost Programa: 80.000,00 KM

6. Partneri u imlementaciji: Obrtnička i privredna komora Bosansko-podrinjskog kantona Goražde

7. Korisnici /ciljane skupine: Poduzetnici, obrtnici sa područja BPK-a Goražde

PREDLAGAČ PROGRAMA

**Ministarstvo za privredu
Bosansko-podrinjskog kantona
Goražde**
Maršala Tita 13 Goražde
038/228-640
www.bpkgo.ba
e-mail: privreda@bpkgo.ba

1. UVOD

Program „Transferi za podsticaj razvoja, poduzetništva i obrta“ utvrđen na ekonomskom kodu 614900- Transferi za podsticaj razvoja, poduzetništva i obrta budžeta Ministarstva za privredu Bosansko - podrinjskog kantona Goražde za 2009.godinu rađen je u skladu sa članom 39. i članom 44. Zakona o izvršenju budžeta Bosansko-podrinjskog kantona Goražde za 2009.godinu („Službene novine Bosansko-podrinjskog kantona Goražde“ broj: 4/09).

Poduzetnicima, kao i obrtnicima sa područja Bosansko-podrinjskog kantona Goražde, neophodno je da u ovoj 2009.godini, tj.godini svjetske ekonomske krize–recesije, za održivost u radu i poslovanju, za održivost postojeće proizvodnje i broja zaposlenih u poduzetništvu i obrtu, pruže odgovarajuću pomoć.

Jedan od vidova pomoći koju Ministarstvo za privredu Bosansko-podrinjskog kantona Goražde pruža svake godine poduzetnicima, obrtnicima na Kantonu podsticaji, a koji se ogledaju u poboljšanju njihovog poslovanja, opremanju i preuređenju poslovnih prostorija, izgradnji novih poslovnih objekata, nabavci opreme, inovatorskim i istraživačkim djelatnostima, itd..

Pravo na sredstva po ovom Programu „Transferi za podsticaj razvoja, poduzetništva i obrta“ imaju poduzetnici, obrtnici registrovani u nadležnom sudu Bosansko-podrinjskog kantona Goražde u skladu sa Zakonom o podsticaju razvoja male privrede (Službene novine FBiH broj:17/06), Zakonom o privrednim društvima („Službene novine Federacije BiH broj: 23/99,45/00,2/02,6/02,29/03 i 19/06), zatim udruženja poduzetnika i obrtnika, Obrtnička komora, stari tradicionalni zanatlije.

2. CILJEVI PROGRAMA

Novčana sredstva koja su usmjerena za ovaj program imaju cilj i namjenu, a to je:

- Podrška za zapošljavanje
- Povećanje broja registrovanih obrtnika, malih i srednjih preduzeća
- Povećanje uposlenosti, rast i opstojnost
- Očuvanje postojećeg biznisa
- Podrška niskoakumulativnim i deficitarnim djelatnostima
- Očuvanje tradicije u porodičnom biznisu
- Povećanje uposlenosti mladih i žena
- Promocija i javno predstavljanje naučnih i praktičnih dostignuća
- Očuvanje tradicionalnih esnafskih zanata
- Modernizacija obrtništva i usluga po različitim osnovama.
- Podrška Obrtničkoj komori Bosansko-podrinjskog kantona Goražde u cilju pravilnog funkcionisanja, tehničkom i kadrovskom osposobljavanju

3. OSTVARIVANJE PROGRAMA

Period trajanja programa je 12 mjeseci 2009.godine. Program podrazumijeva ostvarivanje ciljeva kroz podsticajna sredstva, a u realizaciji programa učestvuje Ministarstvo za privredu, poduzetnici, obrtnici registrovani u nadležnom sudu Bosansko – podrinjskog kantona Goražde u skladu sa Zakonom o privrednim društvima („Službene novine Federacije BiH broj: 23/99,45/00,2/02,6/02,29/03 i 19/06), udruženja poduzetnika i obrtnika, stare tradicionalne zanatlije na području Bosansko – podrinjskog kantona Goražde uz konsultacije i uputstva Udruženja poduzetnika i obrtnika, Udruženja poslodavaca.

Program se ostvaruje putem Javnog konkursa.

- Ministarstvo za privredu Bosansko-podrinjskog kantona Goražde izrađuje i predlaže program, i u ime Vlade Bosansko-podrinjskog kantona Goražde izrađuje sadržaj i objavljuje Javni konkurs za učestvovanje u programu;
- Vlada Bosansko-podrinjskog kantona Goražde svojom Odlukom utvrđuje prijedlog Programa i upućuje ga u Skupštinsku proceduru;
- Skupština Bosansko – podrinjskog kantona Goražde daje saglasnost na prijedlog Programa dostavljenog od strane Vlade Bosansko – podrinjskog kantona Goražde;
- Ministarstvo za privredu Bosansko-podrinjskog kantona Goražde izrađuje **Pravilnik** o izvorima sredstava, uslovima, načinu i postupku dodjele sredstava, sa uputstvom o radu komisije za dodjelu sredstava koja je sastavni dio programa;
- Komisija koordinira aktivnosti učesnika u realizaciji ovog programa;
- Ministarstvo za privredu Bosansko-podrinjskog kantona Goražde će u cilju praćenja utroška dodjeljenih sredstava, tj. nadzora nad utrošenim sredstvima formirati komisiju koja će Vladi Bosansko-podrinjskog kantona Goražde podnijeti izvještaj na usvajanje o ispunjenju Ugovornih obaveza;
- Ministarstvo za privredu Bosansko – podrinjskog kantona Goražde potpisuje ugovore sa poduzetnicima, obrtnicima za koja se utvrdi da su određena za dodjelu sredstava podsticaja shodno Odluci Vlade Bosansko-podrinjskog kantona Goražde;
- Poduzetnici, obrtnici su dužni da dostave Investicioni program-projekat koji će morati sadržati određene komponente, a koji će biti traženi Javnim konkursom.
- Poduzetnici, obrtnici koji dobiju sredstva po ovom programu su dužni da ista utroše za one svrhe za koja su aplicirali, i po utrošku sredstava su dužni da dostave Izvještaj Ministarstvu za privredu o utrošku sredstava.

4. TROŠKOVI REALIZACIJE PROGRAMA

- Sredstva za realizaciju ovog programa su utvrđena u budžetu Ministarstva za privredu Bosansko – podrinjskog kantona Goražde na ekonomskom kodu 614900- Transferi za podsticaj razvoja, poduzetništva i obrta u budžetskoj 2009.godini u iznosu od 80.000,00KM.
- Za provođenje programa će biti angažovani uposlenici Ministarstva za privredu Bosansko – podrinjskog kantona Goražde u toku radnog vremena bez posebnih nadoknada;

- Eventualno angažovanje konsultanata iz drugih ministarstava i institucija će se vršiti u okviru njihovih redovnih aktivnosti sa troškovima njihovih redovnih plaća i naknada.
- Troškovi prevoza i goriva pri obilasku za utvrđivanje činjenica će biti u okviru troškova za redovne aktivnosti.
- Neophodna sredstva za informisanje i javno oglašavanje putem sredstava javnog informisanja planiraju se u iznosu od 250,00 KM, a biće realizovana sa ekonomskog koda 613900 – Ugovorne i druge posebne usluge.

5. KRITERIJI ZA DODJELU SREDSTAVA

Red. br.	KRITERIJ	Poeni			UKUPNO
		3	2	1	
1.	Broj stalno uposlenih - 1 uposlen - 2 uposlena - 3 i više uposlenih	3	2	1	
2.	Vrsta obrta i poduzetništva - proizvodna - uslužna - ostale	3	2	1	
3.	Broj do sada educiranih učenika - 1 učenik - 2 učenika - 3 ili više učenika	3	2	1	
4.	Poslovni plan - aplikacija - pokretanje djelatnosti u 2009.g. - poboljšanje djelatnosti - održavanja postojeće djelatnosti	3	2	1	
5.	autohtonost djelatnosti(usluga) i tradicija starih zanata	maximalno 3 poena			

Visina sredstava za obrtničku komoru će se cijeliti kroz ponuđeni kvalitet projekta i dosadašnji rad i odnos prema obrtnicima.

Transfer po predmetnom programu i navedenim kriterijima, poduzetnik i obrtnik sa područja Bosansko – podrinjskog kantona Goražde, stimulisaće i davati efekte kroz:

- novo uposlenje radnika,
- educiranje učenika u obrtničkim radionicama i stvarati nove obučene obrtnike i poduzetnike,
- čuvanje i opstanak starih tradicionalnih zanata,
- održivost udruženje obrtnika kroz obrtničku komoru koje ima veliku ulogu u razvoju poduzetništva i obrta na području Bosansko – podrinjskog kantona Goražde.

Poduzetnici i obrtnici koji do sada dodjeljena sredstva nisu opravdali kroz svoje izvještaje neće se razmatrati kroz dodjelu sredstava za 2009.godinu.

6. RIZICI PRILIKOM REALIZACIJE PROGRAMA

Pravilnom organizacijom aktivnosti na provođenju ovog programa, izborom stručnih uposlenika za članove komisije za ocjenu ponuda uz kontrolu rada komisije uz isključenje pristrasnosti ili bilo koje druge vrste diskriminacije ponuđača kod odabira i primjene kriterija iz Pravilnika, kao i pravilnim usmjeravanjem i praćenjem realizacije i efekata i na kraju sveobuhvatnom analizom izvještaja o utrošku sredstava, nepredviđenih rashoda i rizika neće biti.

7. ZAVRŠNE NAPOMENE

U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, Program se može mijenjati, povećavati ili smanjivati iznos sredstava.

Na utvrđeni Program od strane Vlade Bosansko – podrinjskog kantona Goražde kojeg je predložilo Ministarstvo za privredu Bosansko-podrinjskog kantona Goražde, Skupština Bosansko-podrinjskog kantona Goražde je dala saglasnost svojim aktom broj:01-14-468/09 od 19.05.2009.godine.

MINISTAR

Mustafa Kurtović, prof.

Broj:04-14-1153-2/09
Goražde, 24.04.2009.godine.